

श्री जिनपतिसूरि पंचाशिका

- श्री भंवरलाल नाहटा

- रागिमिहुणं व रत्तं सुकुमारं चंदव्वड भवणं व ।
दोसरहिं च सलक्खण विंद वच्छं च ससिरीयं ॥१॥
- माणिमणं वसु मुन्नयम मायि वयणं च सरलमभिवंदे ।
जिणवइणो नियगुरुणो चरणजुगं सूरियायस्स ॥२॥
- सुगुरु गुरुपुन्नलब्भं दंसणमवि तुम्ह पायपउमाणं ।
छायं पि अकयसुकया पावन्ति न कप्पसाहीणं ॥३॥
- पहुचरिय संकहविहु विहुणिय संताव्व अंतइ तुम्ह ।
गिण्ह वंदण वच्चत्थ निव्वुइं कस्स न जणेइ ॥४॥
- समयम्मि जम्मि जम्मे जाओ तुम्हारिसाण अकलीण ।
सो कह कलित्ति भन्नइ नहि जलणे जं जलुप्पत्ती ॥५॥
- खारोदहिम्मि अमयं मुत्तिय भवि फरुससिप्प पुडयंमि ।
जल ममलं मलिण घणे दट्टुणं अहव तक्केमि ॥६॥
- एयारिसेवि समये संभवइ भवारिसाण इह भूई ।
आइवराहुव्व धरुद्धरणाय कयावयाराणं ॥७॥
- हसइ व अणूवदेसे मरू विधलसेयसिहरदंतेहिं ।
नव कप्पदुमे सिव सुह फलयंमि तुमंमि जायंमि ॥८॥
- असुराणवि नमणिज्जे करियावाइम्म अंगिरस जणए ।
जयइ दिव्वं विक्कमपुर मप्पुव्व गुरुंमि तइं जाए ॥९॥
- तं पिहुणो पढमं चिय नामं जसवद्धणुत्ति विक्खियं ।
मन्ने भावि भवारिम पुरिस जणिगत जसवत्ता ॥१०॥
- जणणीवि सूहवा जसमई कहिं सामहिव्व मा हवउ ।
जीसे गब्भंमि गुरू तं वुच्छे कणयकंतिधरो ॥११॥
- अइसुंदेरिं पत्तं लोए चित्तेण सयल मासाणं ।
नूणं तुह जम्मेणं तुल्लविय कालओ इहरा ॥१२॥

पहुजम्मे मिउ पवण्णासी कुसुम तरुणो दि... विमलो ।
 आसितमा बरिसमिहं भत्तुव्वए वत्तइ वसंतो ॥१३॥
 हालते विहुसंपुत्र लक्खणं कंतमिदुर्बिबं व ।
 रागेण व लच्छीए तुह गायं गाढमवगूढ ॥१४॥
 तुय धुवमब्भु... चं सव्वेविसुरा निरुविउं हित्था ।
 हिट्ठोवरिं च नट्ठा दंसंति न सप्पयं अप्पं ॥१५॥
 कुमरत्तेवि निसग्गा भववेरगं तसुग्गयं किंपि ।
 जोगीण सुजोगाणवि पइं जेण धुणावियं सीसं ॥१६॥
 तं सुद्धप्पा न हु धण रमणी सयणेसु कासि पडिबंधं ।
 कलहंसो किं पल्लवकलुसजलेसु समल्लियइ ॥१७॥
 जं सेसवेसयं विय वए मणं आसि तुह न तं चुज्जं ।
 जेणन्नवोहिणिज्जा हवति न कयावि जिणवइणो ॥१८॥
 विक्रमपुरं पवित्तिय भमर तई जउण संयमेणेव ।
 तुम्ह जिणचंद मुणिवइ जोगीणं दिक्ख गहणखणे ॥१९॥
 तित्थाहिवत्त जुग्गय भवबुज्झिय जिणवइति तुह नामं ।
 नूण कयं पढमं चिय अइसयनाणीहिं सुगुरूहिं ॥२०॥
 पंच महव्वय सुर सेल संगयं इयर दुव्वहंपि खमं ।
 सेसातिसाइ वारिओ तुमं तहं तान पहु संतो ॥२१॥
 रत्तावि अहं चत्ता दीणाइ समप्पणो ण परिभूया ।
 तह चरणग्गि लग्गा सेवे सययं कुलीणत्ता ॥२२॥
 अहुणाउ गुत्तिवालो जाओ समिइ सुगाढमासत्तो ।
 सत्थधरो किं वि वयं गहिऊण ताय मह वइज्जो ॥२३॥
 निंदइ मंजण पुरओ एयं भणिउं वदुत्थ संदेसं ।
 लच्छीए तुह जईसर दुयं समुहं गया कित्ती ॥२४॥
 त्रिभिः कुलकम् ॥

दसचक्रवाल आयारि दिसिजुयं समणधम्मवरवीढं ।	
पइदिणमणलसवित्ती तुममुज्जोएसि सूरुव्व	॥२५॥
अट्टारस कुरुवइ खोहिणीउ जह पावठाणसेणीओ ।	
तुममज्जुणकित्तिधरो मुणिंद विक्खिवसि लीलाए	॥२६॥
तुह असरिसमिसिचरियं दट्ठुं विलियं च दूरमोसरिउं ।	
सासंकचित्तसिहंडिमंडलं मंडइ महगं	॥२७॥
गाढतवासासियं पि हु पुअं चिय कंतिसलिललहरीहिं ।	
मुणिवइ तुह देहसरं लीलमउहवंसमुव्वहइ	॥२८॥
संजमसिरि कलयंती विलसइ सुत्था तुमंमि सहयारे ।	
सीलंगसहसपत्ते म्हुरफले उन्नए सरले	॥२९॥
अल्लीणाओ वि तुमं गुरुं समुदं ससत्तगंभीरं ।	
लक्खिज्जंति न कत्थवि विज्जाओ महानईउव्व	॥३०॥
चउहाणुओग चउचरण ठवणचउरं सुदंतमुत्तुंगं ।	
चारित्त चारु वण गहण चारिणं कोमलकरगं	॥३१॥
सव्वंगसुपइट्ठं सु सुहम दिट्ठिं च दाण दुल्ललियं ।	
सरलंत लंब पुच्छं समुव्व विज्जा तिक्खय कुंभं	॥३२॥
चरण करणोरु भवणं कुम्मय महविडवि गूडणो सूरं ।	
सुवसत्थ लक्खणं दूर पिक्खणं तं पहु गइंदो	॥३३॥
अणुओगंगणाणुरत्ता रत्ता करिणिव्व सियमिवल्लीणो ।	
बग्गइ देसे गुरु गिरि काणण विहरंत सिहि संघे	॥३४॥
बब्बेरपुरं सिय सव्वं मंगलं तं सिचुव्व सुवि मूइं ।	
आसिस गणंच तुमए सूरि पयमलंकियं जत्थ	॥३५॥
तुह गहिर म्हुर तारस्सरभिदेएसु भयइ सामत्तं ।	
मोणट्टिएसु नूणं जलहर परहुय सिहंडीसु	॥३६॥

कलहंस ख वयणाणुकारे तुम्ह लोयसवणेसु ।	
दिसि वयंभ माणे सरयंते रम्मसमयंमि	॥३७॥
अपिबंसु पढम देसण रसायणं तुम्ह जे उ ते धन्ना ।	
फुट्ठंतजाइमउलं छेयच्चिय नणु लिहंति छिणो	॥३८॥
सुयपारणेण तुमए पत्तं सयमेव जुगपहाणत्तं ।	
कंठीरवमभिसिंच का वा मयनाहणत्तंमि	॥३९॥
विबुहजणजणियतोसं अदिट्ठदोसोदयं सुरसकंतिं ।	
को तुम्ह नाभिनंदइ कव्वमउव्वं जए सुयणो	॥४०॥
इयरा सेकेलक्खिक्ख कव्वबंधे समे व विसमे वा ।	
न खलइ कहिं पि वाणी तुम्हज्जुणबाणसेणिक्ख	॥४१॥
अंतुज्जलपज्जलिरनाणदीवए सपर समय विउसंमि ।	
कर कलिय पुन्ययंमि च रयणीइ महंधयारे वि	॥४२॥
नेयाइयणे सत्थं वक्ख्वाणं ते तदक्खरं चेव ।	
छत्तीससहसमाणं लीलाइ तुमे सुसीसाणं	॥४३॥
मइ कोउय कंपियमत्थयस्स विउसस्स कस्स न हु जाया ।	
सुरगुरुणो मइविहवो दूरं नं(मं)दायरा बुद्धी	॥४४॥
वाईण दप्पदलणं रायसमक्खं बहुं कुणंतेण ।	
असेद मेण च तुमए जयपडगो जए पत्ता	॥४५॥
सायंभरीनरिंदो वाइसरिण हारिसिओ वाए ।	
वयणं सहस्सेण तुमं थुयमाणो नाइ झणिनाहो	॥४६॥
समय सहस्स दंसिय सपंक्ख परपक्ख सहसपच्चक्खं ।	
मेरु व्व थिरं काउं चित्तं भव्वाण विहिधम्मे	॥४७॥
आसावल्लीए तए विहिउ संघस्स कोवि आणंदो ।	
जो सयल तित्थजत्ता फल पयविमगूढमारुढे	॥४८॥

जय सयल लद्धिगोयम दढ व्वयत्तेण थूलभद्द चिरं ।
 तित्थ पभावण महु खीर सावि वाणीए वइरपहो ॥४९॥
 अप्पडिबद्धविहारं धीरं गंभीरमवि तुमं काउं ।
 पवण सुमेरु समुदे निरत्थए निम्मवितेण ॥५०॥
 अस्सरणसीलेण धुवं कयगोणणा पथावइणा ।
 चेयब्भासजडत्तं तहा थेरत्तं च सव्वचियं ॥५१॥
 विक्कमनरेस राउ दसहिय गएसु वासाणं ।
 चित्त कसिणट्टमीए तुह जम्मो मूलरिक्खंमि ॥५२॥
 गब्भा अट्टमवासे दिक्खा फग्गुण वलक्ख दसमीए ।
 चउदसमे सूरिपयं कत्तिय सिय तेरसी दिवसे ॥५३॥
 चंद कुल कुवलइंदो संखा मच्छरि गुणंबुनिहिणो ते ।
 कं गुणबिंदुं गिन्हउ मह वाणी चडयचंचुव्व ॥५४॥
 अइनिविड जडत्ते वि हु वीडं मुत्तूण भत्तिनडिण ॥
 इय किंपि थुओ जिणवइमुणिंद तं होसु मह सुहओ ॥५५॥

॥ इति श्रीमज्जिनपतिसूरि सुगुरूणां पंचासिका समाप्ता ॥

